

四庫全書

集部

欽定四庫全書

集部
宋藝圃集卷二

詳校官中書臣陸湘

侍讀臣孫球覆勘

總校官庶吉士臣何思鈞

校對官編修臣李堯棟

謄錄監生臣李元位

欽定四庫全書

集部八

宋藝圃集

總集類

提要

臣等謹案宋藝圃集二十二卷明李菘編菘字

子田內鄉人嘉靖癸丑進士官至貴州提學

副使是集選錄宋人之詩成於隆慶丁邗所

列詩人凡二百三十有六人而核其名氏二

百三十有七人蓋編日時誤數一人未卷附

釋衲三十三人宮閨六人靈怪三人妓流五人不知名四人通上當為二百八十八人而註共二百八十四人則除不知姓名四人不數也書中編次後先最為顛倒如以蘇軾蘇轍列張詠余靖范仲淹司馬光前陳與義呂本中曾幾列蔡襄歐陽修黃庭堅陳師道前秦觀列趙抃蘇頌前楊萬里列楊蟠米芾王令庾前葉采嚴粲列蔡京章惇前林景熙謝

翺列陸游前者指不勝屈其最誕者莫若以
徽宗皇帝與邢居實張栻劉子翬合為一卷
夫漢書藝文志以文帝列劉敬賈山之間武
帝列蔡甲倪寬之間玉臺新詠以梁武帝及
太子諸王列吳均等九人之後蕭子顯等二
十一人之前以時代相次猶為有說至邢實
為邢恕之子年十八早夭在徽宗以前劉子
翬為劉韜之子張栻為張浚之子皆南宋高

孝時人在徽宗以後乃君臣禠列尤屬不倫
殆由選錄時隨手禠抄未遑銓次他若江為
孟賓于之屬則上涉南唐馬定國史肅之屬
則旁及金朝衡以斷限亦屬未宜特其殫十
三年之功蒐采成編網羅頗富宋人之本無
專集行世與雖有專集而已佚者徃徃賴此
編以傳過而存之亦不棄菅蒯之意也乾隆
四十四年四月恭校上

總纂官臣紀昀臣陸錫熊臣孫士毅

總校官臣陸費墀

--	--	--	--	--	--	--	--	--

宋藝圃集原序

余往請告林居嘗與弟子餘選宋諸家詩后

闕

披

繙旋多參附今既十三年所矣隆慶改元量移池陽山
城雨暇更加刪定名曰宋藝圃集為之叙叙曰世恒言
宋無詩談何易哉蓋嘗遡風望氣約略其世槩有三變
焉顧論者未之逮也夫建隆乾德之間國祚初開淳龐
再合一時作者尚祖五季五季固唐餘也故林逋潘閬
胡宿王珪兩宋九僧之徒皆擣藻煒煒以清羸相貴而

楊大年錢思公劉筠輩又死擬西崑

闕

尺度總之遺

矩雖存而雄思尚鬱矣天聖明道而下則大變焉蓋於
時世際熙昌人文迅發人主之求日殷聚奎之兆斯應
故歐蘇曾王之流黃陳梅張之侶皆以曠絕不世之才
厲卓犖俊拔之志博綜墳典旁測幽微海內顯顯咸所
傾仰啓西江宗派之名創絀唐進杜之說竭思憤神日
歷窮險當其興情所寄則徵事有不必解意趣所極則
古賢所不必法辟之舊家公子恢張其先人堂構至于

甲第飛雲雕鏤彩繪遠而望之絢爛奪目負其意氣遽
大掩前人矣光寧以還國步浸衰文情隨易學士大夫
通祖清逸無稱雄傑故陸游之流便嚴羽之婉腴紫陽
之冲容謝翱之詭誕其他若四靈戴式之文天祥林德
賜輩咸遵正軌足引同方然究而言之凌遲之形見矣
斯國事之將季乎夫詩者人之聲也樂之章也發於情
不溺於情範於禮不著於禮者也宋人惟理是求而神
髓索焉其遺議於後也奚怪哉故滄浪之譏評紫陽之

論說皆所謂致喻于眉睫者也考其大都不俱可觀哉
自世俗宗唐擯宋羣然向風而凡家有宋詩悉東高閣
間有單帙小選僅拈一二而未闡厥美終屬闕如忘其
謗蕪聊為編次得詩若干首以見一代之文獻而為稽
古之一助也順陽李養序

欽定四庫全書

宋藝圃集卷一

明
李萊
編

廖融三首

贈天台逸人

移檜託禪子
攜家上赤城
拂琴天籟寂
敲枕海濤生
雪白寒峯晚
鳥歌春谷晴
又聞求桂楫
載月十洲行

夢仙謠

金定巳月三言 卷一
琪木扶疎繫辟邪麻姑夜宴紫皇家銀河旌節搖波影
珠閣笙簫吸月華翠鳳引遊三島路赤龍齊別五雲車
星稀猶倚虹橋立擬就張騫搭漢槎

退宮妓

神仙風格本難儔曾侍前皇翠輦遊紅躑躅繁金殿暖
碧芙蓉笑水宮秋寶車鈿剝陰塵覆錦帳香銷盡燭幽
一旦色衰歸故里月明猶夢按梁州

徐鉉二首

吳王挽詞二首

倏忽千齡盡冥茫萬事空青松洛陽陌荒草建康宮道
德遺文在興衰自古同受恩無補報反袂泣途窮

二

土德承餘烈江南廣舊恩一朝人事變千古信書存哀
挽周原道銘旌鄭國門此生雖未死寂寞已消魂

郭震五首

陳氏曰洪邁編唐絕句萬首可謂博矣而多有本朝詩在其中如李九齡郭震滕白

王岳王初之屬也

螢

秋風凜凜月依依飛過高梧影裏時處暗若教同衆類
世間爭得有人知

漁者

江柳弄風顰翠黛山花着雨濕臙脂却收短棹拈長笛
一葉舟中仰面吹

老卒

老來弓劍喜離身說著沙場更愴神任使將軍全得勝

歸時須少去時人

惜花

艷拂衣襟藥拂杯
逸枝間共蝶徘徊
春風滿目還惆悵
半欲離披半未開

蓮花

臉膩香薰似有情
世間何物比輕盈
湘妃雨後來池看
碧玉盤中弄水晶

滕白二首

題汶川村居

種茶巖接紅霞塢
灌稻泉生白石根
皤腹老翁眉似雪
海棠花下戲兒孫

燕

短羽新來別海陽
真珠高捲語雕梁
佳人未必全聽爾
正把金針繡鳳凰

王初八首

立春後作

東君珂珮響珊珊青馭多時下九關
方信玉霄千萬里
春風猶未到人間

春日詠梅花 二首

靚妝纔罷粉痕新迢遞風回散玉塵
若遣有情應悵望
已兼殘雪又兼春

二

青帝來時值遠芳殘花殘雪尚交光
隔年擬待春消息
得見春風已斷腸

七夕

榆葉飄零碧漢流
玉蟾珠露兩清秋
仙家若有單棲恨
莫向銀臺半夜遊

送陳校勘入宿

日落風回卷碧霓
方蓬一夜折龍泥
銀臺級級連清漢
桂子香濃月杵低

即夕

風幌涼生白袷衣
星榆纔亂絳河低
月明休近相思樹

恐有韓馮一處栖

雪霽

星榆葉葉晝離披
雲粉千重凝不飛
崑玉樓臺珠樹密
夜來誰向月中歸

舟次汴堤

曲岸蘭叢鴈飛起
野客維舟碧烟裏
竿頭五兩轉天風
白日楊花滿流水

杜常一首

華清宮

釋圓至曰按孫公談園及西清詩話杜常與方澤皆宋人蓋新舊唐書及唐諸家小

說並無杜常姓名也

行盡江南數十程
曉風殘月入華清
朝元閣上西風急
都入長楊作雨聲

方澤一首

武昌阻風

江上春風阻客舟
無窮歸思滿東流
與君盡日閒臨水
貪看飛花忘却愁

畢田三首

水簾洞

洞門千尺掛飛流
玉碎珠聯冷噴秋
今古不知誰掇得
綠蘿為帶月為鉤

凝碧

在南岳石橋上

四面山屏疊萬重
古嵐濃翠鎖寒空
清秋獨倚危闌立
身在琉璃世界中

大哀州

金史四庫全書
卷一
玉輦南巡去不還
翠娥望斷楚雲間
波寒刺寫哀絃怨
露冷偏滋泪篠斑
一水盈盈傷遠目
九峯巉巉慘愁顏
荒洲千古淒涼地
半掩空祠向暮山

沈彬三首

夢仙謠

玉殿大開從客入
金桃爛熟沒人偷
鳳驚寶扇頻翻翅
龍懼金鞭不轉頭

憶仙謠

白榆風占九天秋
王母朝回宴玉樓
日月漸長雙鳳睡
桑田欲變六鰲愁
雲翻簫管相隨去
星觸旌幢各自流
詩酒近來狂不得
騎龍却憶上清遊

贈劉象

曾應大中天子舉
四朝風月鬢蕭疎
不隨世祖重攜劍
知為文皇再讀書
十載戰塵消舊業
滿城風雨壞貧居
一枝何事於君惜
仙桂年年幸有餘

嚴憚一首

春光

春光冉冉歸何處更向花前把酒盃
盡日問花花不語
為誰零落為誰開

元絳一首

懷荆南舊遊

去年曾醉海棠叢聞說新枝發
舊紅昨夜夢回花下飲
不知身在玉堂中

孟賓于一首

獻主司

那堪雨後更聞蟬
溪隔重湖路七千
憶昔故園楊柳岸
全家送上渡頭船

王岳四首

題巖君觀

寒雲古木罩星臺
凡骨仙蹤信可哀
二十年前曾到此
一千年內未歸來

山中有所思

零零夜雨漬愁根
觸物傷離好斷魂
莫怪杜鵑飛去盡
紫薇花裏有啼猿

貧女

難把菱花照素顏
試臨春水插花看
木蘭船上遊春子
笑指荆釵下遠灘

回舊山

庾家樓上謝家池
處處風煙少舊知
明日落花誰共醉
野溪猿鳥恨歸遲

江為三首

秋日述懷

迢迢江漢路秋色又堪驚
半夜聞鴻雁多年別弟兄
高風雲影斷微雨菊花明
欲寄東歸信徘徊無限情

江行

越信隔年稀孤舟幾夢歸
月寒花露重江晚水烟微
岸直帆相望沙空鳥竝飛
何時洞庭上春雨滿蓑衣

塞下

萬里黃雲凍不飛
磧烟烽火夜深微
蕃兒移帳寒笳絕
雪路時聞探馬歸

林逋二十六首

湖樓晚望

湖水混空碧
憑闌凝睇勞
夕寒山翠重
秋淨鳥行高
遠意極千里
浮生輕一毫
叢林數未遍
杳靄隔漁舸

上湖間泛艤舟石函因過下湖小墅

平臯望不極
雲樹遠依依
及向扁舟泊
還尋下瀨歸
青

山連石埭春水入柴扉多謝提壺鳥留人到落暉

湖山小隱

園井夾蕭森紅芳墮翠陰畫岩松鼠靜春塹竹鷄深歲
課非無秫家藏獨有琴顏原遺事在千古壯閒心

小隱

門徑獨蕭然山林屋舍邊水風清晚釣花日重春眠
葍苔衣滑磷磷石子圓人寰諸洞府應合署閒仙

中峯

中峯一徑分盤折上幽雲夕照前村見秋濤隔嶺聞長
松含古翠衰藥動微薰自愛蘇門嘯懷賢思不羣

園廬秋夕

蘭社裊裊香開扉趣自長寒煙宿墟落清月上林塘意
想殊為適形骸固可忘援琴有餘興聊復寄吟觴

翠微亭

亭在江干寺清涼更翠微秋階響松子雨壁上苔衣絕
境長難得浮生不擬歸旅懷何計是西崦又斜暉

和梅聖俞雪中同虛白上人來訪

湖上玩佳雪相將惟道林
早煙村意遠春漲岸痕深
地僻過三徑人閒試五禽
歸橈有餘興寧復比山陰

送皎師歸越

林間久離索忽忽望西陵
靜戶初聞扣歸舟又說登
野烟含樹色春浪疊沙稜
幸謝雲門路同尋苦未能

寄錢紫微

晞髮起初晨中丘謝病身
空持白雲意遙贈紫微人
畫

金定四庫全書
卷一
轍坊門遠蒼苔掖署春元和舊文體當許繼清塵

寄臨川司理趙時校書

遠宦風波隔歸期歲月頻天形孤島晚烟色大江春驛
路向江郭船檣留估人高臺望不極空使鬢華新

池上春日

一池春水綠於苔水上花枝竹間開芳草得時依舊長
文禽無事等閒來年顏近老空多感風雅含情苦不才
獨有浴沂遺想在使人終日此徘徊

春陰

似雨非晴意思深
宿醒牽引臥春陰
苦憐燕子寒相並
生怕梨花晚不禁
薄薄簾幃欺欲透
遙遙歌管壓來沉
北園南陌狂無數
只有芳菲會此心

寄宣城宗言姪

春水涵波綠渺瀰
江南芳草又離離
謝家元住青山郭
郗氏近攀丹桂枝
衣下香囊非爾好
牀頭詩卷愧吾癡
中林獨處仍多病
早晚能來慰所思

春日齋中

空堦重疊上垣衣
白晝初長社燕歸
落盡海棠人臥病
東風時復動柴扉

易從師山亭

林表秋山白鳥飛
此中幽致世還稀
西村渡口人烟晚
坐見漁舟兩兩歸

秋江寫望

蒼茫沙嘴鷺鷥眠
片水無痕浸碧天
最愛蘆花經雨後

一蓬烟火飯魚船

送陳日章秀才

聞却清尊掩縹囊
病來無故亦淒涼
江南春日舊行路
因送歸人更斷腸

送式遵師謁金陵王相國

天竺孱顏暫掩扉
講香浮穗上行衣
白猿聲裏生公石
莫遣移文怨晚歸

送善中師歸四明

四明山水別多時老病心閒事事違夢想西湖古蘭若
又和秋色送僧歸

送人之蒼梧

側身南望但依依片席乘風去似飛莫謂蒼梧在天末
帝鄉看逐白雲歸

自作壽堂因作一絕誌之

湖外青山對結廬墳前脩竹亦蕭疎茂陵他日求遺稿
猶喜曾無封禪書

樵者

雲際依依認舊林
斷崖荒磴路難尋
西山望見朝來雨
南澗歸時渡處深

詠退筆

神功雖缺力終存
架琢珊瑚欠策勲
日暮閒窗何所似
灞陵憔悴故將軍

湖山小隱

衡門鄰晚塢環堵背寒岡
片月通蘿徑幽雲在石牀
客

遊拋鄆杜漁事擬滄浪管樂非吾尚昂頭肯自方

陳搏四首

題石水澗

銀河灑落翠光冷一派回環湛晚暉
幾恨却為頑石礙琉璃滑處玉花飛

冬日晚望

山鬼煖或呼溪魚寒不跳晚景愈堪觀
危峯露殘照

華山

半夜天香入巖谷西風吹落嶺頭蓮空愛掌痕侵碧漢
無人曾嘆巨靈仙

與毛女遊

藥苗不滿笥又更上危巔回指歸去路相將入翠烟

魏野二首

上王相公

聖朝宰相年年出公在中書十二秋西祀東封俱已了
好來相伴赤松遊

尋隱者不遇

尋真誤入蓬萊島
香風不動松花老
採芝何處未歸來
白雲滿地無人掃

潘閻四首

夏日宿西禪

此地絕炎蒸
深疑到不能
夜涼如有雨
院靜若無僧
枕潤連雲石
牕明照佛燈
浮生多骨賤
時日恐難勝

歲暮自桐廬歸錢塘晚泊漁浦

久客見華髮孤棹相廬歸新月無朗照落日有餘暉漁
浦風水急龍山烟火微時驚沙上雁一一背南飛

秋上題琅琊山寺

巖下多幽景且無塵事喧鐘聲晴徹郭山色曉當門深
洞波泉脉懸崖露樹根更期來此宿絕頂聽寒猿

渭上秋夕閒望

秋夕滿秦川登臨渭水邊殘陽初過雨何樹不鳴蟬極
浦涵秋月孤帆沒遠烟漁人空老盡誰似太公賢

胡宿二十四首

天街曉望

長樂纔聞一叩鐘
百官初謁未央宮
金波穆穆沙堤月
玉樹瑩瑩上苑風
香重椒蘭橫結霧
氣寒龍虎遠浮空
嗟予索米無人問
行避霜臺御史驄

函谷關

天開函谷壯關中
萬古驚塵向此空
望氣竟能知老子
棄襦何不識終童
謾持白馬先生論
未抵鳴雞下客功

符命已歸如掌地一九曾誤隗王東

長卿

買賦金錢出後宮長卿文彩冠諸公梁園未至時名大
蜀道前驅使節雄已托焦桐傳密意更因殘札寄遺忠
如何一諷神仙事却得飄雲起賦中

洞靈觀結涼

秋波不動簾紋融松月悒悒透綺籠霜重井梧翻瘦碧
雨回堦藥墮嫣紅彩鴛靜占銀塘水乳燕涼飛玉宇風

秣酒易銷殘夢斷却疑身在廣寒宮

芙蓉湖泛舟

小湖香豔戰芙蓉碧葉田田擁釣篷嵐氣欲飛山隔岸
秋波不定水搖空翩翩雪鳥爭投浦潑刺霜鱗對擲風
正是滄浪濯纓日一竿多謝紫溪翁

次韻朱沈春雨之什

蒼野迷雲黯不歸遠風吹雨入巖扉石牀潤極琴絲緩
水閣寒多酒力微夕夢將成還滴滴春心欲斷正

正一作更

霏霏憂花惜月長如此爭得東陽病骨肥

夜歸華山因寄幕府蘇廣文

山村寥落野人稀竹裏衡門掩翠微
溪渡夜隨明月入亭臯春伴白雲飛
嵇康懶慢仍耽酒范蠡逋逃久拂衣
汀畔數鷗閒不起只應知我已忘機

淮南王

貪鑄金錢盜寫符何曾七國戒
前車長生不待爐中藥
鴻寶誰收篋內書碧井牀空天影在
小山人去桂叢踈

雲中鷄犬無消息
麥秀漸漸徧故墟

南城

昨夜輕陰結夕霏
城南十里有香泥
初聞山鳥驚新弄
遙見林花識舊蹊
蕩漿遠從芳草渡
墊巾還傍綠楊堤
羅敷正苦桑蠶事
惆悵南來五馬蹄

趙宗道歸輦下

沿牒相逢楚水湄
竹林文酒此攀嵇
半醺未暖還傷別
一臂初交又解攜
江浦嘔啞風送檣
河橋勃窣柳垂堤

明年四月秦關道洗眼揚州看馬蹄

宰醉官切司馬相
如賦云嬰橋勃宰

上金堤注旬
旬上下貌

冲虚觀

五粒青松護翠苔石門岑寂斷纖埃
水浮花片知仙路風通鸞聲認嘯臺
桐井曉寒千乳飲茗園春嫩一旗開
馳烟未勒山亭字可是英靈許再來

感舊

千里青雲未致身馬蹄空踏幾年塵
曾迷玉洞花光老

欲過金城柳眼新
粉壁已沉題鳳字
酒壚猶記姓黃人
塢中橫笛偏多感
一涕闌干白角巾

塞上

漢家神箭定天山
烟火相望望平聲萬里聞契契作韻利請

盟金七酒將軍歸
臥玉門闕雲沉嶺
上妖氛斷雪照回
中探騎間五餌已
行王道勝絕無刁
斗至聞顏

殘花

雨壓殘紅一夜凋
曉來簾外正飄搖
數枝翠葉空相對

萬片香魂不可招
長樂夢回春寂寂
武陵人去水迢迢
愁將玉笛傳遺恨
苦被芳風透綺寮

侯家

洞戶春遲漏箭長
短轅初返洛陽傍
綵雲按曲青岑醴
沉水薰衣白壁堂
前檻蘭苕依玉樹
後園桐葉護銀牀
宴殘紅燭長庚爛
還促朝珂謁未央

淮南發運趙邢州被詔歸闕

天臺封詔紫泥馨
馬首前瞻北斗城
人在函關先望氣

帝於京兆最知名一區東第趨晨近數刻西廂接晝榮
正是兩京裁化日百金雙壁拜虞卿

津亭

津亭欲闕戒棠舟五兩風來不暫留西北浮雲連魏闕
東南初日滿秦樓層城渺渺人傷別芳草萋萋客倦遊
平樂舊歡收不得更憑飛夢到瀛洲

古別

長道何年祖輶休風帆不斷岳陽樓佳人挾瑟漳河曉

壯士悲歌易水秋
九帳清油徒自貴
百壺芳醕豈消憂
至今長樂坡前水
不啻秦人怨隴頭

送林學士知明州

綠綈膺檢出神州
又拜東吳最上游
腰下漢符分半虎
手中庖刃欠全牛
玳筵進酒吳歛曲
碧沼觀魚越鄂舟
政是金華隆舊業
羣仙相望在瀛洲

雪

屏翳驅雲結夜陰
素花飄墜惡氛沉
色欺曹國麻衣淺

寒入荆王翠被深
天上明河銀作水
海中仙樹玉為林
日高獨擁鸛裘臥
誰乞長安取酒金

憶薦福寺牡丹

十日春風隔翠岑
祇應繁朶自成陰
樽前可要人頽玉
樹底遙知地側金
花界三千春渺渺
銅槃十二夜沉沉
雕槃分簞何由得
空作西州擁鼻吟

寄昭潭王中立

高絃一弄武陵深
六幕天空萬里心
吳苑歌驪成久別

楚峯回鴈好歸音
十千美酒花期隔
三百枯碁奕思沉
莫上孤城頻送目
浮雲西北是家林

早夏

井轄投多思不禁
密垂珠箔晝沉沉
睡驚燕語頻移枕
病起蛛絲半在琴
雨徑亂花埋宿艷
月軒修竹轉涼陰
一春酒費知多少
探盡囊中換賦金

次韻徐爽見寄

五兩青絲帝渥深
平時何敢嘆英沉
侏儒自是長三尺

澗統都來直數金寂寞死灰人喪偶婆娑生意樹交陰
年來想見瓊枝色夕夢蘧蘧到竹林

澗音辟深也
統音續絮也

楊億四首

書懷寄劉五二首

風波名路壯心殘三徑荒涼未得還病起東陽衣帶緩
愁多騎省鬢毛斑五年書命塵西閣千古移文愧北山
獨憶瓊林苦霜霰清樽歲晏醉酡顏

世事悠悠未遽央虛名真意兩相忘休誇失馬曾歸塞

未省牽牛解服箱
四客高風驚楚漢
五君新詠棄山王
秋來安有漁樵夢
多在箕峯潁水傍

南朝

五鼓端門漏滴稀
夜籤聲斷翠華飛
繁星曉埭聞鷄度
細雨春場射雉歸
步試金蓮波濺襪
歌翻玉樹涕沾衣
龍盤王氣終三百
猶得澄瀾對故扉

受詔修書述懷感事三十韻

太極垂裳日中原
偃草初樓船
秋發詠衡石
夜程書好

問虛前席徵賢走傳車蓬萊侔漢制煨燼訪秦餘細繹
資金匱規模出玉除紛紛開四部秘邃接千廬日賜雙
鷄膳親廻六尺輿華芝下閭闔白羽擁儲胥望氣成龍
虎披文辨魯魚清光無咫尺玄覽亦躊躇羣彥揮鉛筆
微生濫石渠嵇康真懶慢謝客本空踈講學情田埆談
經腹筍虛月評依許邵文體慕相如雄飲歡娛合清言
鄙吝祛彌旬容出沐終日喜羣居撫已慙鳴玉歸田憶
荷鋤池籠養魚鳥章服畏猿狙園府愁尸祿天閣愧弊

裾虛名同鄭璞散質類莊擣國士誰知我鄰家或侮予
放懷齊拍馬屏息度羲舒寡婦宜憂緯三公亦灌蔬危
心惟敲鯨直道忍蘧蔭徃聖容巢許先儒美甯蘧晨趨
歡勞止夕惕念歸歟秦痔踈杯酒顏瓢賴斗儲如諧曲
肱臥猶可直釣漁矯矯龜銜印翩翩隼畫旗一麾終遂
志阮籍去騎驢

錢惟演三首

公子 二首

蓮勺交衢接荻園來時十里一開筵歌翻南國桃根曲
馬過章臺杏葉韉別殿對迴雙綬貴後門歸夜九枝然
閒隨翠幘敲烏帽紫陌三條入柳煙

二

結綺臨春暎夕霏景陽鐘動曙星稀潘妃寶釧光如晝
江令花牋落似飛舴艋臨波朱火度觚稜拂漢紫煙微
自從飲馬秦淮水蜀柳無因對殿幃

漢武

一曲橫汾鼓吹迴侍臣高會栢梁臺金芝煜煜凌晨見
黃雀軒翔白晝來立候東溟邀鶴駕窮兵西極待龍媒
甘泉祭罷神光滅更遣人間識玉杯

王珪三十九首

依韻恭和聖製龍圖天章閣觀三聖御書

半夜傳君召西清閱帝文筆回丹穴鳳歌起沛中雲御
幄金蚪轉仙墀羽仗分君王自天縱况復睿心勤

依韻和王原寂內翰有懷

暮鑰嚴溫省宵鈴靜浴堂銀花無奈冷瑤草又還芳夢
久聞仙笛班清犯曉霜帝閣何所叩一炷祝堯香

次韻和元厚之平羌

詔收新土鳳林東四百餘年陷犬戎葱嶺自橫秦塞上
金城還落漢圖中輕裘坐嘆無遺策解髮來庭有舊風
零雨未濛音已捷不勞歸旅詠周公

聞仲諤貽朱川大捷

神兵十萬忽乘秋西磧妖氛一夕收匹馬不嘶榆塞外

長城自起玉關頭
君王別繪凌烟閣
將帥今輕定遠侯
莫道無人能報國
紅旗行去取涼州

依韻和吳相公從駕至開寶寺慶壽崇因閣

崇因開寶構金碧
晝相輝禁蹕隨曦
馭層城轉斗機
梵音獅子吼妙相
鴿王歸洛水浮神
篆天花滿御衣
塔疑從地湧棟擬
入雲飛上行乘今
果羣超悞昨非
慧珠常自照法雨
徧成霏但起真如
念梯梁即可幾

恭和御製上元觀燈

雪消華月滿高臺萬燭當樓寶扇開雙鳳雲中扶輦下
六鰲海上駕山來鎬宮春酒霑周燕汾水秋風陋漢材
一曲昇平人共樂君王又進紫霞杯

和金陵懷古

懷鄉訪古事悠悠獨上江城滿目秋一鳥帶烟來別渚
數帆和雨下歸舟蕭蕭暮吹驚紅葉慘慘寒雲壓舊樓
故國淒涼誰與問人心無復更風流

宮詞 三十二首

燕去燕來閒白晝
花開花落送黃昏
年年好景春風妬
夢裏鉛華濕淚痕

元夕星燈照路臺
六宮歌吹出雲來
夜深翠輦歸金殿
十里迴廊錦帳開

黃昏鑠院聽宣除
翰長平明趁起居
撰就白麻先進草
金泥降出內中書

夜寒金屋篆煙飛
燈燭分明在紫微
漏永禁宮三十六
宴回爭踏月輪歸

曉吹翩翩動翠旗
爐烟千疊瑞雲飛
何人奏對偏移刻
御史天香隔繡衣

內庭秋燕玉池東
香散荷花水殿風
阿監採菱牽錦纜
月明猶在畫船中

鏢聲金掣閣門環
簾捲真珠十二間
別殿春風呼萬歲
中丞新押散朝班

三月金明柳絮飛
岸花堤草弄春時
樓船百戲催宣賜
玉輦今年不上池

闌草深宮玉檻前書蒲如箭荇如錢不知紅藥闌干曲
日暮何人落翠鈿

太液波清水殿涼畫船驚起宿鴛鴦翠眉不及池邊柳
取次飛花入建章

金鋌畫角警場開天子南郊玉輅來十里青城遙北望
綵雲宮殿月樓臺

麗日祥煙鑱禁林櫻桃初熟杏成陰年年翠輦來遊幸
花落春階一寸深

金史四庫全書
卷一
萱草成窠杏子青夜聞禁漏曉聞鶯吹回一覺昭陽夢
帳外春風太薄情

一片桃花一片春夜來風雨落紛紛多情更逐東流水
還作高唐夢裏人

侍輦歸來步玉階試穿金縷鳳頭鞋堦前摘得宜男草
笑插黃金十二釵

內苑宮人學打毬青絲飛控紫驂騮朝朝結束防宣喚
一樣真珠落鬢頭

中宮賜雪玉成峯滴露堆寒冷照空三十六窗明月夜
姮娥渾在水晶宮

琵琶先抹六么頭小管丁寧側調愁半夜美人雙起唱
一聲聲出鳳凰樓

十三初學擘箏篴弟子名中被點頭昨日教坊新進入
並房宮女與梳頭

因喫櫻桃放得歸三年着破舊羅衣內中侍從來還去
結得金花上貴妃

小小宮娥到內園未梳雲鬢臉如蓮自從配與夫人後
不使尋花亂入船

擣蒲冷淡學投壺箭倚腰身約畫圖盡對君王稱妙手
一人來謝一人輸

曉來隨駕上城遊行到東西百尺樓回望烟中花柳色
綠陰紅艷滿池頭

朱雀門開花未開毬場空闊浸塵埃預排白兔兼蒼狗
等候君王按鵲來

朝朝臘日官家出隨駕先須點內人回鶻衣裳回鶻馬
就中偏稱小腰身

苑中排比宴秋宵絃管掙撻各自調日晚閉門傳聖旨
明朝盡放紫宸朝

池邊小樣釣魚船入玩偏宜向晚天掛得綵帆教便放
急風吹過水門邊

會仙觀內玉清壇新點宮人作女冠每度駕來羞不出
羽衣初着怕人看

小院珠簾着地垂
院中排比不相知
羨他鸚鵡能言語
窗裏偷教鸚鵡兒

寒食清明小殿傍
綵樓雙夾闔鷄場
內人對御分明看
先賭紅羅十擔牀

梨園子弟簇池頭
小樂攜來候宴遊
旋炙紅笙先按拍
海棠花下合梁州

御溝春水碧於天
宮女尋花入內園
汗濕紅粧行漸困
岸頭相喚洗花鈿

王琪一首

吳中曉寒曲

大澤穹天莽同色，碧瓦閭門曉花白。石岩左右斷行人，
洞庭一夜冰千尺。曾持漢節單于壘，北風如刀割人耳。
却憐凍足幸雙摧，一生不向雪中履。憑誰贈我紫綺裘，
中吳風土清且柔。令嚴氣正天地肅，長歌白苧臨寒流。
玉蘭酒熟金醅溢，大白連雲尚殊克。
殊克一作難敵書窗半掩
晝始開，幾日紅梅斷消息。

李沆一首

題六合塔

經從塔下幾春秋每恨無因到上頭今日始知高處險
不如歸去臥林丘

曹汝弼四首

懷寄披雲峯誠上人

院高窮木盛野極靜無言險路通岩頂香泉出石根微
風飄磬韻幽鳥啄苔痕常記相留夜秋堂共聽猿

再寄

江城從別後聞說在松間度日長扃戶終年不下山靜
為詩所役閒免事相關應喜雲邊客冥搜鬢未斑

贈披峯岳長老

禪外掩松扃閒眠度歲陰雨侵香篆濕苔長屐痕深水
在銅餅冷雲歸玉磬沉前山有靈藥時策杖藜尋

贈僧

一從叨命服乘輿入天台院接石橋住門臨瀑布開松

間應獨坐雪裏更誰來時復攜藜杖看雲上古臺

劉筠一首

寄靈仙觀舒職方學士

石渠仙署久離羣抗迹丹臺世絕倫揚子不甘朔尚白
漆園終許自全真紫煙深處鸞雙舞朱髓成來鳥共伸
若向雲中見鷄犬可能渾忘姓劉人

章冠之一首

寄荆南故人

餘生自拚一虛舟未解尋詩慰客愁
梅欲飄零猶醞藉柳纔依約已風流
關心弟妹無黃犬入夢江湖有白鷗
別後故人相念否東風應倚仲宣樓

寇準十一首

冬夜旅思

年少嗟羈旅煙霄進未能江樓千里月
雪屋一龕燈遠信憑邊鴈孤吟寄岳僧
爐灰愁擁坐硯水半成冰

南浦

春風入垂楊烟波漲南浦落日動離魂江花泣微雨

水村即事

虛齋臨遠水吟釣度朝晡葦岸秋聲合莎庭鶴影孤
片雲藏疊嶽四野起寒蕪獨步時凝望離人隔五湖

春日登樓懷歸

高樓聊引望杳杳一川平野水無人渡孤舟盡日橫
荒村生斷靄古寺語流鶯舊業遙清渭沉思忽自驚

山寺

寺在猿啼外門開古澗涯山深微有徑樹老半無枝望
遠雲長暝談空日易移恐朝金馬去還失白蓮期

夜泊江上

歲暮峽中寺維舟古樹根羣峯初落日后夜獨聞猿流
水自無盡客愁那可論平明離楚岸迢遞指吳門

楚江夜懷

西風生遠水蕭颯度吟臺明月夜還滿故人秋未來寒
蛩啼暗壁敗葉下蒼苔誰念空江水年年首重回

江南春

杳杳煙波隔千里
白蘋香散東風起
日落汀洲一望時
愁情不斷如流水

春晝偶書

白晝偶成芳草夢
起來幽興有誰知
風簾不動黃鸝語
坐看庭花日影移

書河上亭壁

暮天寥落凍雲垂
一望幽亭欲下遲
臨水數村誰畫得

淺山寒雪未消時

王操三首

村家

野景村家好柴籬夾樹身
牧童眠向日山犬吠隨人
地僻鄉音別年豐酒味醇
風光吟有興桑麥暖逢春

喜故人至

地僻無賓侶柴門晝始開
谿山寒葉落江國故人來
話舊驚霜鬢論詩帶酒杯
相留喜同宿不寐曙光迴

送人南歸

相送當搖落孤舟泛渺瀰
去帆看已遠臨水立多時
別浦寒鴻下空山夜鶴移
它年重會面吟鬢共成絲

欽定四庫全書

宋藝圃集卷二

明 李蓑 編

宋郊二首

莊獻明肅太后挽詞應制

寶慈垂母訓一紀御璿除地有占沙舊天仍補石餘軒
星淪夕緯翟輅去宸居異日金滕啓方知復辟書

閏十二月望日立春禁中作

閨歷先春破臘寒
綵花金勝寵干官
冰從太液池邊動
柳向靈和殿裏看
瑞氣因風飄禁仗
暖暉依日上仙盤
須知聖運隨生殖
萬國年年共此懽

宋祁二十一首

僑居 二首

抱病苦憂幽
都城困倦遊
身拋禿翁板
言入稗家流
世路風波惡
天涯日月遒
危心正無泊
時底喻窮愁

二

公宇靜寥寥居然俗意銷
屐間誰記齒帶適自忘腰
眈首秋殘穫城西日暮樵
比來行樂熟隨意度溪橋

官下

東泊驂驛一駐車
駝雲芥木澹扶踈風經御
寇仙遊外野識裨
謀草創餘穎谷寒煙仍井
邑侯門殘日但丘墟
兩都大道過從盛不稱支
離佩左魚

兄長莒公赴鎮道出西苑
作詩有長楊獵罷寒熊
吼太液歌餘瑞鶴飛
造語驚邁予輒擬作一篇

寶樓斜倚闕西天北轉樓陰壓素連白雪久殘梁複道
黃頭空守漢樓船塵輕未損朝來霧樹暖才容臘外煙
弭節不妨饒悵戀待歌魚藻記他年

和致政燕侍郎舟中寄宴尚書

異時仙閣對王休頓首辭榮動邃旒疏廣故寮供祖帳
鳴夷盡室付歸舟側堦生玉懷歡宴燕壁圖山代遠遊
新句漸高塵累少紫芝巖曲要相求

移病還臺凡閱半歲乃愈始到家園視園夫治畦

植花因成自嘆

臥治無功賜告回驟叨鳴履上中臺壺公天壤非真死
蒙叟軒裳是儻來經灌早蔬扶隴出失刊園蕊犯簷開
此身踈拙真丘壑不是當年王佐才

再遊海雲寺作

十里雲邊寺重驅千騎來天形敲野盡江勢讓山回園
柰濃成幄樓鐘近殷雷斜陽歸鞅促飛蓋冒輕埃

為承旨詩

金史四庫全書
卷二
粉署重來憶舊遊
蟠桃開盡海山秋
寧知不是神仙骨
上到鰲峰更上頭

臘後晚望

寒日繫難定
鳴笳弄已休
凍崖初辨馬
昏谷自量牛
古樹臨關密
黃河入塞流
登高能賦未
風物古堯州

華山

仙館三峰下
年華百歲中
夢休孤蝶往
蛻在一蟬空
蕊芟微言秘
霄晨浩氣通
丹遺舐後鼎
林遣御餘風
市霧

沉荒白餐霞委暗紅蛾眉有歸約飛步與誰同

答勸農李淵宗嘉州江行見寄

嘉月嘉州路軻我接部船山回杜宇國江入夜郎天霽
引溪流望涼供水閣眠愧君舟楫急遂欲濟長川

中秋新霽壕水初滿自城東隅從舟回謝公命賦
霽舫談經後官池載酒行斜陽烏外落新月樹端生演
漾思江浦夷猶繞郡城東轅有遺恨日日物華清

渡湘江

春過瀟湘渡真觀八景圖雲藏岳麓寺江入洞庭湖晴
日花爭發豐年酒易沽長沙千萬戶遊女似京都

真定述事

莫嫌屯壘是邊州試聽山河說上遊帳下文書三幕府
馬前鞞韎五諸侯王藩故社經涂國俠窟餘風解報仇
四十年來民緩帶使君何事不輕裘

擬杜子美峽中意

天入虛樓倚百層四方遙謝此登臨驚風借壑為寒籟

落日容雲作暝陰，峴井北拋王粲宅。
楚衣南逐女嬃砧，十年不識長安道。
九籥宸開紫氣深。

懷古眺望

城闔聊屬眺千古，恨悠悠。夏享空臺，毀韓亡故，社留廟。

祠旌潁鳳

黃丞相祠
並鳳凰里

溪水識巢由

潁水過
城下

春色依林動

晨煙傍戍浮，序騶閒自集。田鶴叫相求，町篠寅緣密。川

葭霍靡柔櫟，墟迷鄭鄙隗。路隔軒游

春秋櫟邑莊周
載大隗山皆在

感

昔如吾輩，曾經幾斛愁。

城隅晚意

寥寥天意晚稍覺井閭閒
水落呈全嶼雲生失半山
牛羊樵路暗燈火客舟還
暝思輸鳧鵲歸飛沆漭間

長安道中悵然作

二首

三輔古風煙征驂悵未前
山園蓬穎外宮室黍離邊
樹老經唐日碑殘刻漢年
便須真隕涕不待雍門絃

二

興亡作今古事徃始堪悲
宮破黃山在城空北斗移
走

岡寒兔隱啼成暮鴉飢灞岸重回首惟餘王粲詩

夏日陪提刑彭學士登周襄王故城

聊隨漢使者一止周王城片雨北郊晦殘陽西嶺明野禽呼自別香草問無名誰復黍離詠但興箕頰情

落花

陸素翻紅各自傷青樓烟雨忍相忘將飛更作迴風舞已落猶成半面粧滄海客歸珠迸淚章臺人去骨遺香可憐無意傳雙蝶盡付芳心與蜜房

晏殊二首

假中示判官張寺丞王校勘

元巳清明假未開
小園幽徑獨徘徊
春寒不定班班雨
宿醉難禁灑灑杯
無可柰何花落去
似曾相識燕歸來
遊梁賦客多風味
莫惜青錢萬選才

寓意

油壁香車不再逢
峽雲無迹任西東
梨花院落溶溶月
柳絮池塘淡淡風
幾日寂寥傷酒後
一番蕭索禁烟中

魚書欲寄何由達
水遠山長處處同

陳襄四首

過菴盡溪

五雲深處問新亭
月裏乘舟夜半行
不見藤花相掩映
鄉人遙指盡溪名

和子瞻沿牒京口憶西湖出遊見寄

春風漠漠燕飛飛
可惜春風與子違
半嶺烟霞紅旆入
滿湖風月畫船歸
緹笙一闋人何在
遼鶴重來事已非

猶憶去年題別處
鳥啼花落客沾衣

金華山人

幽居倚翠巖
塵事不相干
天地醉來小
琴棋靜裏歡
雨苔春徑綠
風竹夜窗寒
若問長生術
金燈有寶丹

書嶽麓宮道房

借問今行處
羣仙第幾家
晴簷鳴雪滴
虛砌影梅花
香爇何年栢
泉煎未社茶
道人三四輩
相對誦南華

蔡中道一首

張公洞

天上騾踪竟不迴
洞門深閉密封苔
神光夜燭燒丹竈
淑氣晴薰講易臺
瑤草春肥仙去遠
紫芝雲暖鶴歸來
清游喜挾三茅客
杖履凌空霧雨開

王質一首

東流道中

山高樹多日出遲
食時霧露且霏霏
馬蹄已踏兩郵舍
人家漸開雙竹扉
冬青匝地野蜂亂
蕎麥滿園山雀飛

明朝大江載吾去萬里天風吹客衣

夏竦一首

和上元觀燈

魚龍漫衍六街呈金鎖通宵啓玉京
冉冉遊塵生輦道遲遲春箭入歌聲
寶坊月皎龍燈淡紫館風微鶴唳平
宴罷南端天欲曉回瞻河漢向盈盈

李九齡八首

贈馬道士

水共逍遙雲共孤
混時言笑只佯愚
經年但醉宜城酒
千里惟擔華嶽圖
尋野鶴來空碧洞
覓琴僧去渡重湖
人間再見知何日
乞取先生石轆轤

贈譚先生

古觀重重遠翠微
杉松深處掩霞扉
雲生萬壑投龍去
海隔三山放鶴歸
花洞宴遊春日永
石壇朝禮曙星稀
每聽高論長生理
擬向寰中便拂衣

上清辭

三首

八海浮生汗漫秋紫皇高晏五雲樓霓裳曲罷天風起
吹散仙香滿十洲

樓鎖彤霞地絕塵碧桃花發九天春東皇近日慵遊宴
閒煞瑤池五色麟

本來方朔是真仙偶別丹臺未得還何事玉皇消息晚
忍教憔悴向人間

代邊將

雪凍陰河半夜風戰回鐵甲血漂紅據鞍遙指長安道

頃刻麟臺第一功

過相思谷

悠悠信馬春山曲
芳草和烟鋪嫩綠
正被離愁着
莫人那堪更過相思谷

山中寄友人

亂雲堆裏結茅廬
已共紅塵跡漸踈
莫問野人生計事
窗前流水枕前書

李虛已一首

和內翰楊大年見寄

鰲冠三峰碧海寬
雲謠初下靄芝蘭
探珠宮裏驪龍睡
織錦機中綵鳳盤
藥砌蒼苔錢作點
粉牆修竹玉為竿
閒從蝶夢親鳧舄
曾得安期九轉丹

趙湘三首

秋夜集李式西齋

澤國秋光澹
詩家夜會清
雨餘逢月色
風靜得琴聲
小徑幽蟲絕
寒堦落葉并
嘗茶不擬睡
自起繞池行

寄楊埴

閉門苔自長春恨極天涯落日山橫水宮城雨過花斷
狂曾避蝶多病更聞蛙江上無消息風吹度柳斜

答徐本

天遠草離離秋霖寄信遲相思蓬葉盡獨坐聽蟬悲岳
色寒前見松心雪後知頻招猶未至時復檢清辭

陳堯佐三首

吳江

平波渺渺煙蒼蒼
菰蒲纒熟江柳黃
扁舟繫岸不忍去
秋風斜日鱸魚香

虎丘山

雲際樓臺樹杪烟
孤松千尺聳平田
危闌遠思微吟好
隱隱秋帆半入天

題碧瀾堂

茗溪清淺雪溪斜
碧玉寒光照萬家
誰向月中終夜聽
洞庭漁笛隔蘆花

錢易一首

西遊曲

花銷秋老白日短敗紅荒綠迷空館擬將清血洒昭陵
幽谷猿啼半山晚十年辭家勤獻書王孫不許延公車
江頭祖廟祭無血重門生草寒離離我有黃金三尺劍
姦骨餘痕古波艷佩入函關無故人玉握凋零七星暗

羅思純一首

題太湖

三萬六千頃湖侵海內田
蓬山方得地見月始知天
南國吞將盡東溟勢欲連
何當灑為雨無處不豐年

王禹偁五首

江頭

三年為吏向江濱
重到江頭照病身
滿眼碧波輸匹鳥
一簑疎雨屬漁人
隨船曉日孤輪白
入座青山數點春
張翰精靈應笑我
綠裙依舊染紅塵

讀史

紀信生降為沛公草荒孤壘想英風漢家青史緣何事
却道蕭何第一功

清明

無花無酒過清明興味蕭然似野僧昨日鄰家乞新火
曉窗分與讀書燈

春日雜興

兩株桃杏映籬斜粧點商州副使家何事春風容不得
和鶯吹折數枝花

商州

節及登高忽嘆嗟
經年憔悴別京華
貳車何處搔蓬鬢
九日樽前見菊花

陶弼一首

送趙樞寺丞宰虔化縣

路入虔雲去如何
輕解攜人煙五嶺
北星斗大江西南
雪梅花樹晴雷籟
石溪青衫欲無淚
不柰鷓鴣啼

燕肅一首

僻居

蓬茅城市遠，草徑接魚村。
白日偶無客，青山長對門。
藥鑪留火暖，花塢帶烟昏。
靜坐搜新句，冥心傍酒樽。

唐異二首

塞上作

防秋人不到，萬里絕妖氛。
馬放降來地，鷗閒戰後雲。
月依孤壘沒，燒逐遠荒分。
未省為邊客，宵笳懶欲聞。

閒居書事

幽居輕宿雨屐齒徧林塘一境無過客千山自夕陽晝
禽多獨語夏木有餘涼招隱詩慵寄時清誰肯忘

呂夷簡一首

天華寺

賀家湖上天華寺一一軒窗向水開不用閉門防俗客
愛閒能有幾人來

王素一首

晚歲思玉京之夢

虛碧中藏白玉京，夢魂飛入黃金城。何時再步烟霄外，
皓齒仙童已掃廳。

蘇洵五首

又答陳公美 二首

仲尼為羣婢一走十四年，荀卿老不出五十干。諸田顧
彼二夫子，豈其陷狂顛。出處固無定，不失稱聖賢。彼亦
誠自信，誰能恤多言。

公孫昔放逐，牧羊滄海濱。勉強聽鄉里，垂老西游秦。自

固未為壯徒為久辛勤君子豈必隱孔孟皆旅人

送李才元學士知邛州

貧賤羞妻子富貴樂鄉關不見李夫子得意今西還
白馬渡瀘水紅旗照蜀山歸來未解帶故舊已滿門
平生浪游處何者哀王孫壯士無齷齪千金報一殮

送任師中任清江


吾老尚喜事羨君方少年有如伏櫪馬看彼始及鞍
奔騰過吾目蕭條正思邊誰知脫吾羈傲睨登太山
君今

始得縣翱翔大江干大江多風波渺然欲騰翻浩蕩吞
九野開闔壯士肝人生患不出局東守一廛未嘗見大
物不識天地寬今君吾鄉秀固已見西川去年作邊吏
出入烽火間儒冠雜武弁屢與穉裘言又當適南土大
浪泛目前胸中芥蒂心吹盡為平田陳湯喜形勝所至
常縱觀吾想君至彼胸膽當豁然

九日和韓魏公

晚歲登門最不才蕭蕭華髮映金壘不堪丞相延東閣

金
卷二
閑伴諸儒老曲臺佳節已從愁裏過壯心偶傍醉中來
暮歸春雨寒無睡自把新詩百編裁



宋藝圃集卷二